

Në bazë të nenit 18, paragrafi (1), nënparagrafi 20 dhe neni 23, paragrafi (1), nënparagrafi 1 të Ligjit të Shërbimeve Mediatike Audio dhe Audiovizuele ("Gazeta Zyrtare e Republikës së Maqedonisë" nr.184/13, 13/14, 44/14, 101/14, 132/14, 142/16, 132/17, 168/18, 248/18 dhe 27/19 dhe "Gazeta Zyrtare e Republikës së Maqedonisë së Veriut" nr.42/20, 77/21, 154/23, 55/24, 193/24 dhe 247/25), dhe në lidhje me nenin 55, paragrafi (1) të Ligjit në fjalë, pika 6 dhe 14 të Udhëzimit për përcaktimin e afatit për veprim sipas aktvendimeve të Agjencisë për ndërmarrjen e masës (Tekst i pastruar) nr.ark.01-4241/1 të datës 1.10.2025, Raportin me shkrim për mbikëqyrje të kryer programore nr.ark.10-1866/1 të datës 23.4.2026 dhe Konkluzionin nr.ark.02-2063/8 të datës 12.5.2026, Këshilli i Agjencisë së Shërbimeve Mediatike Audio dhe Audiovizuele gjatë seancës së 17-të të mbajtur më 12.5.2026, miratoi:

### **Aktvendim për ndërmarrjen e masës – paralajmërim publik**

1. PUBLIKISHT PARALAJMËROHET Ndërmarrja publike radiodifuzive (NPR) RADIOTELEVISIONI I MAQEDONISË Shkup – Televizioni i Maqedonisë – Shërbimi i pestë programor (RTM5), për shkëlqen e kryer të nenit 55, paragrafi (1) të Ligjit të Shërbimeve Mediatike Audio dhe Audiovizuele, në mënyrë që transmetuesi në kuadër të shërbimit programor televiziv, të transmetuar më datë 11 dhe 12 prill 2026, në reprizën e edicionit të programit për fëmijë „Mužicka fabrika“(fabrika muzikore), ka shfrytëzuar komunikim komercial audiovizual „plasim të produkteve“, e cila nuk lejohet në programet për fëmijë.

Shkelja nga paragrafi 1 të kësaj pike, është specifikura në Raportin me shkrim për mbikëqyrje të kryer programore nr.ark.10-1866/1 të datës 23.4.2026, si pjesë përbërëse e këtij Aktvendimi si Shtojcë nr.1.

2. URDHËROHET që Ndërmarrja publike radiodifuzive (NPR) RADIOTELEVISIONI I MAQEDONISË Shkup – Televizioni i Maqedonisë – Shërbimi i pestë programor (RTM5), në afat prej 20 (njëzet) ditësh nga dita e pranimit të Aktvendimit të harmonizojë veprimtarinë e saj me dispozitat e LShMAAV-së.

3. Pas skadimit të afatit të përcaktuar në pikën 2 të këtij Aktvendimi, të kryhet mbikëqyrje kontrolli, me qëllim për të përcaktuar nëse subjekti i mbikëqyrjes, i cekur në pikën 1 të këtij Aktvendimi, ka vepruar sipas Aktvendimit.

4. Ky Aktvendim është përfundimtar, dhe si ditë për miratim konsiderohet dita e çertifikimit në Arkivin e Agjencisë së Shërbimeve Mediatike Audio dhe Audiovizuele (Agjencia).

### **A r s y e t i m**

Agjencia në bazë të nenit 28 të Ligjit të Shërbimeve Mediatike Audio dhe Audiovizuele (LShMAAV) është kompetente për të kryer mbikëqyrje programore (monitorim) të programeve të transmetuesve dhe ofruesve të shërbimeve mediatike audiovizuele me kërkesë, si dhe të paketave programore të cilat ritransmetohen nga operatorët e rrjeteve publike të komunikimeve elektronike nga aspekti i respektimit të dispozitave të këtij neni, lejeve, çertifikatave të dhëna për regjistrim, akteve nënligjore dhe akteve të tjera të miratuar nga Agjencia.

Në pajtim me nenin 23, paragrafi (1), nënparagrafi 1 të LShMAAV-së, Këshilli i Agjencisë kundër botuesi të medias (transmetuesi) ndërmerr masë – paralajmërim publik në rastet kur është kryer cënim ose shkelje e dispozitave të LShMAAV-së dhe akteve nënligjore të miratuara në bazë të Ligjit të njëjtë, si dhe kushteve dhe detyrimeve të përcaktuara në leje dhe akte të tjera të Agjencisë.

Në pajtim me nenin 55, paragrafi (1) të LShMAAV-së, plasim i produkteve lejohet në të gjitha llojet e shërbimeve mediatike audio dhe audiovizuale, me përjashtim të lajmeve dhe programeve kushtuar çështjeve dhe temave aktuale, programeve kushtuar çështjeve lidhur me konsumatorët, programeve fetare dhe programeve për fëmijë.

Në kuadër të kompetencave ligjore, Agjencia përmes Sektorit për çështje programore, më 23 prill 2026, ka kryer mbikëqyrje të jashtëzakonshme programore (monitorim) ndaj shërbimit programor televiziv të Ndërmarrjes publike radiodifuzive (NPR) RADIOTELEVISIONI I MAQEDONISË Shkup – Televizioni i Maqedonisë – Shërbimi i pestë programor (RTM5), në periudhën nga data 6 deri më 12 prill 2026, në nivel shtetëror gjatë të cilës është konstatuar shkelje e nenit 55, paragrafi (1) të LShMAAV-së.

Përkatësisht, nga mbikëqyrja u konstatua se më datë 11 dhe 12 prill 2026, Ndërmarrja publike radiodifuzive (NPR) RADIOTELEVISIONI I MAQEDONISË Shkup – Televizioni i Maqedonisë – Shërbimi i pestë programor (RTM5), në periudhat kohore të paraqitura në tabelën në fjalë të Raportit me shkrim, RTM5 ka transmetuar reprizë të edicioneve të programit për fëmijë - „Mužicka fabrika“ (fabrika muzikore), klasifikura si – shou-muzikor real për përzgjedhjen e fëmijëve të talentuar për këngë, gjatë së cilës në kundërshtim me nenin 55, paragrafi (1) të LShMAAV-së është shfrytëzuar komunikim komercial audiovizual „plasim i produkteve“, shfrytëzimi i të cilit nuk lejohet në programet për fëmijë. Me veprimin e programit për fëmijë „Mužicka fabrika“ (fabrika muzikore) u përfshinë produkte, shërbime dhe shenjat mbrojtëse (identifikuese) të: - „Pelisterka“ (shishe me ujë); - „Vitaminka“ (smoki / çoko- flips); - „Taze“ (kokoshka dhe shenja mbrojtëse (marka tregtare) e firmës, të shtypura në lidhëset e kartave të identitetit të pjesëmarrësve); - „EAM“ (pulovrave); si dhe shenjat mbrojtëse të firmave - „Troglav“ dhe „Halkbank“, të shtypura në dritat e ambientit të cilat janë pjesë e skenografisë së emisionit, ose në lidhëset e kartave të identifikimit të pjesëmarrësve. Siç shpjegohet në pikën 7 të Udhëzimit për zbatimin e dispozitave për plasim të produkteve – „programe për fëmijë janë llojet e programeve me funksion informues, edukativ dhe argëtues, në veprimin e të cilit marrin pjesë fëmijë dhe /ose veprimi është i destinuar për fëmijët deri në moshën 12 vjeç“.

Shkelja nga pika 1 e këtij Aktvendim, është specifikuar në Raportin me shkrim për mbikëqyrje të kryer programore nr.ark.10-1866/1 të datës 23.4.2026, si pjesë përbërëse e këtij Aktvendimi si Shtojca nr.1.

Në pajtim me nenin 23, paragrafi (3) të LShMAAV-së, Këshilli i Agjencisë drejtuar Ndërmarrjes publike radiodifuzive (NPR) RADIOTELEVISIONI I MAQEDONISË Shkup – Televizioni i Maqedonisë – Shërbimi i pestë programor (RTM5) më 27.4.2026, i dërgoi Shkresë nr.ark.10-1866/2 datë 27.4.2026, me të cilën i dorëzoi Raportin me shkrim për mbikëqyrje të kryer programore nr.ark.10-1866/1 të datës 23.4.2026, me qëllim që në afat prej 7 (shtatë) ditë pune nga dita e pranimit të shkresës, drejtuar Këshillit të Agjencisë të paraqesë deklaratë me shkrim për shkeljen e kryer të dispozitave të LShMAAV. Shkresa është pranuar në mënyrë të rregullt nga ana e transmetuesit më 27.4.2026. Në afatin e parashikuar, NPR RADIOTELEVISIONI I MAQEDONISË Shkup – Televizioni i Maqedonisë – RTM5, nuk u deklarua për shkeljen e kryer të dispozitave të LShMAAV. Këshilli i Agjencisë gjatë seancës së mbajtur më 12.5.2026, e shqyrtoi lëndën Raport me shkrim dhe konkludoi që Ndërmarrjes publike radiodifuzive NPR RADIOTELEVISIONI I MAQEDONISË Shkup – Televizioni i Maqedonisë – RTM5 t'i shqiptohet masë – paralajmërim publik.

Rrjedhimisht nga sa më sipër, në bazë të nenit 18, paragrafi (1), nënparagrafi 20 dhe neni 23, paragrafi (1), nënparagrafi 1 të LShMAAV-së, dhe në lidhje me nenin 55, paragrafi (1) nga Ligji në fjalë, pika 6 dhe 14 të Udhëzimit për përcaktimin e afatit për veprim sipas aktvendimeve të Agjencisë për ndërmarrjen e masës, Raportin me shkrim për mbikëqyrje të kryer programore nr.ark.10-1866/1 të datës 23.4.2026 dhe Konkluzionin nr.ark.02-2063/8 të datës 12.5.2026, për konstatim të mosrespektimit të dispozitave të LShMAAV, përcaktuar në pikën 1 të këtij Aktvendimi, Këshilli i Agjencisë gjatë seancës së mbajtur më 12.5.2026, miratoi Aktvendim me të cilin publikisht paralajmëron Ndërmarrjen publike radiodifuzive NPR RADIOTELEVISIONI I MAQEDONISË Shkup – Televizioni i Maqedonisë – RTM5 dhe urdhëron që në afat prej 20 (njëzet) ditësh nga dita e pranimit të Aktvendimit, të harmonizojë veprimtarinë e saj me dispozitat e LShMAAV-së. Pas skadimit të afatit të përcaktuar në pikën 2 të këtij Aktvendim, të kryhet mbikëqyrje kontrolli, me qëllim të

përcaktimit nëse subjekti i mbikëqyrjes i cekur në pikën 1 të këtij Aktvendimi, ka vepruar sipas Aktvendimit.

Në pajtim me nenin 24 të LShMAAV-së, ky Aktvendim është përfundimtar dhe kundër këtij aktvendimi transmetuesi ka të drejtë padie për iniciimin e kontestit administrativ pranë gjykatës kompetente. Padia për iniciimin e kontestit administrativ paraqitet në afat prej 30 ditësh nga dita e pranimi të aktvendimit.

Bazuar në sa më sipër, u miratua aktvendim si në dispozitiv.

**Shtojca (1):**

- 1) Raport me shkrim për mbikëqyrje të kryer programore nr.ark.10-1866/1 të datës 23.4.2026.

**Agjencia për Shërbime Mediatike  
Audio dhe Audiovizuale  
Kryetari i Këshillit,  
mr. Sasho Stefanovski**

**Këshillë juridike:** Kundër këtij aktvendimi transmetuesi ka të drejtë të ngrejë padi për iniciimin e kontestit administrativ pranë gjykatës kompetente. Padia për iniciimin e kontestit administrativ paraqitet në afat prej 30 ditësh nga dita e pranimi të aktvendimit.

Përktheu: Antoneta Shabani